



NOGOMETNI KLUB
ČELIK ZENICA

A: Bulevar Kulina bana bb, 72000 Zenica
T/F: +387 (0)32 978-555
W: www.nkcelik.ba
E: info@nkcelik.ba
ID broj: 4218244880002
PDV broj: 218244880002



Zenica, 19.11.2021.godine

Broj protokola: I- 396/21

GRADU ZENICA

POREZNOJ UPRAVI FBIH - KANTONALNOM POREZnom UREDU ZENICA

Predmet: Izjašnjenje na akt broj 02-11-23694/21 (Informacija o postupanju po Sporazumu o plaćanju dužnih javnih prihoda u ratama broj: 13/0-12-27-1686/20 M.S. od 08.01.2021.g.)

Poštovani,

Shodno zaprimljenom aktu Grada broj gornji, od 17.11.2021. godine, u kom se traži očitovanje Porezne uprave FBiH-Kantonalnog poreznog ureda Zenica, o tome da li je Sporazum o plaćanju dužnih javnih prihoda još uvijek na snazi, a koji akt je i nama dostavljen 18.11.2021. g., NK "Čelik" Zenica kao strana potpisnica predmetnog sporazuma se očituje kako slijedi:

- NK "Čelik" Zenica kao porezni obveznik uredno izmiruje tekuće obaveze u svezi sa predmetnim Sporazumom, te o tome uredno obavještava Grad Zenicu dostavljanjem Uvjerenja Porezne uprave FBiH- Kantonalnog poreznog ureda Zenica najkasnije do 15.tog u tekućem mjesecu.
- Na konstataciju iz predmetnog akta da je Grad informisan o dodatnim obavezama NK "Čelik" Zenica u ukupnom iznosu od 2.420.265,63 KM, a temeljem izvršnog Rješenja o dodatno utvrđenim obavezama Porezne uprave FBiH – Odsjeka za kontrolu velikih poreznih obveznika Sarajevo broj: 13/09-15-9-1580-2/2015 od 25.08.2015. godine, po kojem je Porezna ispostava Zenica izdala nalog za plaćanje 06.10.2021. godine, ističemo da je nesporno da je Nalog za plaćanje poreznih obaveza dostavljen i Nogometnom klubu "Čelik" Zenica.



NOGOMETNI KLUB
ČELIK ZENICA

A: Bulevar Kulina bana bb, 72000 Zenica
T/F: +387 (0)32 978-555
W: www.nkcelik.ba
E: info@nkcelik.ba
ID broj: 4218244880002
PDV broj: 218244880002



Sporazumom o plaćanju dužnih javnih prihoda u ratama zaključenim između NK “Čelik” Zenica i Porezne uprave FBiH, utvrđeno je da NK “Čelik” Zenica ispunjava uslove za potpisivanje predmetnog sporazuma propisane članovima 3., 4. i 5 Zakona o naplati i djelomičnom otpisu dugovanja sportskim kolektivima, te je istim Sporazumom obuhvaćen period dugovanja po osnovu javnih prihoda sve do 01.11.2020. godine, utvrđena je dinamika plaćanja i obaveza kluba da poštuje rokove pod prijetnjom raskida Sporazuma.

Međutim, važno je istaći da je predmetno Rješenje, odnosno dugovanje po predmetnom Rješenju u momentu potpisivanja Sporazuma sa Poreznom upravom i Sporazuma sa Gradom, bilo predmet žalbenog postupka, te kao takvo nije moglo biti zavedeno kao dužni prihod kojeg je obuhvatio reprogram.

Ističemo da je Nogometni klub “Čelik” blagovremeno uložio i žalbu prema Poreznoj upravi - Ispostava Zenica u pogledu Naloga za plaćanje od 06.10.2021.g, odnosno pokrenulo upravni spor pred Kantonalnim sudom u Sarajevu u svezi sa spornim Rješenjem, a koji postupci su trenutno aktivni, te ćemo se o istima očitovati po njihovom završetku.

Nadalje, tačkom IV Sporazuma jasno je definisano da se Sporazum raskida ukoliko porezni obveznik zakasni sa plaćanjem bilo koje rate dužnih javnih prihoda, ili ne plaća redovne tekuće javne prihode nastale POSLIJE zaključivanja Sporazuma. Kako je plaćanje od strane Nogometnog kluba “Čelik” uredno, i ne postoje novonastala dugovanja, odnosno kako nisu stvorena nikakva dugovanja od momenta potpisivanja Sporazuma, odgovor je sasvim jasan i glasi SPORAZUM JE JOŠ UVIJEK NA SNAZI, i ne postoji razlog za njegovo raskidanje.

- I pored prednjeg, koristimo priliku da napomenemo da Nogometni klub “Čelik”Zenica u potpunosti poštuje i Sporazum o saradnji zaključen sa Gradom Zenica, te poštuje i poštovat će činjenicu višedecinijske povezanosti kluba i Grada, pa koristimo ovu priliku da po ko zna koji put napomenemo i Grad da se treba i mora uključiti u rješavanje svih



NOGOMETNI KLUB
ČELIK ZENICA

A: Bulevar Kulina bana bb, 72000 Zenica
T/F: +387 (0)32 978-555
W: www.nkcelik.ba
E: info@nkcelik.ba
ID broj: 4218244880002
PDV broj: 218244880002



problema ovog Kluba, te shodno članu 1. ovog sporazuma, raditi sve u cilju unapređenja rada kluba i povratka kluba na staze stare slave, umjesto što sabotira svaki pokušaj kluba u njegovom oporavku i napretku.

- Glavnica duga po Rješenju iz 2015. godine iznosi 1.045,372,97 KM, a po okončanju žalbenih postupaka i upravnog spora Nogometni klub "Čelik" ističe da je spreman pristupiti potpisivanju Sporazuma o plaćanju spornog dugovanja sa Poreznom upravom FBiH, te samostalno izmiriti isti, ali pod uslovom da Grad ispoštuje svoj dio Sporazuma o saradnji sa našim klubom u pogledu servisiranja novčanih prihoda od poslovnih prostorija na stadionu "Bilino polje".

S poštovanjem,

NK "Čelik" Zenica

DOSTAVLJENO:

1x Poreznoj upravi FBiH- Kantonalnom poreznom uredu Zenica

1x Službi kabineta gradonačelnika Grada Zenice

1x Službi za boračko-invalidsku i socijalnu zaštitu, stambene poslove i društvene djelatnosti Grada Zenice

1x Službi za finansije Grada Zenice

1x a/a